




Broj: 01-50-1-15-24/16

Sarajevo, 3.2. 2016.

DOM NARODA  
PARLAMENTARNE SKUPŠTINE  
BOSNE I HERCEGOVINE



**Predmet: O b a v j e š t e n j e**

Predstavnički dom Parlamentarne skupštine BiH je na 24. sjednici, održanoj 3.2.2016., razmatrao materijale koji su u nadležnosti i Doma naroda, o čemu vas obavještavam kako slijedi:

1. Prijedlog zakona o štrajku zaposlenih u institucijama Bosne i Hercegovine, predlažač: Vijeće ministara BiH, broj: 01,02-02-1-24/15, od 10. 12. 2015. (drugo čitanje);
2. Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, predlažač: Vijeće ministara BiH, broj: 01,02-02-1-25/15, od 10.12.2015. (drugo čitanje);
3. Prijedlog zakona o izmjenama i dopunama Zakona o upravi, predlažač: Vijeće ministara BiH, broj: 01,02-02-1-30/15, od 22.12.2015. (drugo čitanje);
4. Prijedlog zakona o izmjeni Krivičnog zakona Bosne i Hercegovine, predlažači: poslanici iz klubova SNSD-a i SDS-a, broj: 01,02-02-1-27/15, od 17.12.2015., s **Mišljenjem Ustavnopravne komisije**
5. Prijedlog zakona o Ustavnom sudu Bosne i Hercegovine, predlažači: poslanici iz klubova SNSD-a i SDS-a, broj: 01,02-02-1-28/15, od 17.12.2015., s **Mišljenjem Ustavnopravne komisije**
6. Prijedlog zakona o korištenju i upravljanju imovinom u državnoj svojini Bosne i Hercegovine, predlažači: poslanici Šemsudin Mehmedović i Zaim Backović, broj: 01-02-1-35/15, od 25.12.2015. (prvo čitanje);
7. Prijedlog zakona o izmjenama i dopunama Zakona o udruženjima i fondacijama Bosne i Hercegovine, predlažač: Vijeće ministara BiH, zakon broj: 01,02-02-1-38/15, od 30.12.2015. (prvo čitanje);
8. Prijedlog zakona o izmjeni i dopunama Zakona o Vijeću ministara Bosne i Hercegovine, predlažač: Komisija za ostvarivanje ravnopravnosti spolova Predstavničkog doma PSBiH, zakon broj: 01-02-1-79/16, od 5.1.2016. (prvo čitanje);
9. Izvještaj Zajedničke komisiju oba doma za postizanje identičnog teksta Zakona o azilu (predlažač: Vijeće ministara BiH, zakon broj: 01,02-02-1-12/15, od 6.8.2015.);
10. Izvještaj o izvršenoj reviziji učinka o temi: „Upravljanje carinskim terminalima“, materijal Ureda za reviziju institucija BiH, broj: 01/4-16-1-1548/15, od 7.12.2015;

11. Izvještaj o izvršenoj reviziji učinka o temi: „Nabavka ličnih dokumenata – studija slučaja“, materijal Ureda za reviziju institucija BiH, broj: 01/4-16-1-105/16, od 6.1.2016;
12. Davanje saglasnosti za ratifikaciju Sporazuma između Bosne i Hercegovine i Evropske unije o uspostavi okvira za učešće Bosne i Hercegovine u operacijama Evropske unije za upravljanje krizama, broj: 01,02-05-2-39/16, od 4.1.2016.;
13. Davanje saglasnosti za ratifikaciju Sporazuma između Vijeća ministara Bosne i Hercegovine i Švicarskog federalnog vijeća koji se odnosi na redovni zračni saobraćaj, broj: 01,02-05-2-40/16, od 4.1.2016.;
14. Davanje saglasnosti za ratifikaciju Memoranduma o razumijevanju između Vijeća ministara Bosne i Hercegovine i Vlade Republike Srbije o saradnji u oblasti telekomunikacija, broj: 01,02-05-2-217/16, od 15.1.2016.;
15. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Srbije o saradnji u oblasti zaštite okoliša i održivog razvoja, broj: 01,02-05-2-218/16, od 15.1.2016.

\*\*\*\*\*

#### **Ad.1.**

Predstavnički dom *usvojio je* u drugom čitanju Prijedlog zakona o štrajku zaposlenih u institucijama Bosne i Hercegovine, čiji je predlagач Vijeće ministara BiH. Time su usvojeni i amandmani sadržani u Izvještaju Ustavnopravne komisije, koji glase:

#### **Amandman I.**

U članu 10. stav (3) mijenja se i glasi: „Vijeće za mirno rješavanje spora dužno je u roku od sedam dana od dana imenovanja stranama u sporu dostaviti prijedlog za rješenje spora ili konstatirati da mirno rješavanje spora nije uspjelo.“

U članu 10. stav (4) mijenja se i glasi: „Strane u sporu dužne su u roku od tri dana od dana dostavljanja očitovati se o tome da li prihvataju ili ne prihvataju prijedlog vijeća za mirno rješavanje spora.“

U članu 10. iza stava (4) dodaje se novi stav (5) koji glasi: „Ako strane u sporu prihvate prijedlog vijeća za mirno rješavanje spora iz stava (4) ovog člana, on postaje obavezujući i za zaposlene i za poslodavce.“

#### **Amandman II.**

U članu 13. stav (2) iza riječi: „sporno pitanje“ stavlja se tačka, a ostatak teksta briše se.

#### **Amandman III.**

U članu 23. u stavu (1) brišu se riječi: „Zaposleni i“.

## **Ad.2.**

Predstavnički dom *usvojio je* u drugom čitanju Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, čiji je predlagač Vijeće ministara BiH.

## **Ad.3.**

Predstavnički dom *usvojio je* u drugom čitanju Prijedlog zakona o izmjenama i dopunama Zakona o upravi, čiji je predlagač Vijeće ministara BiH. Time su usvojeni i amandmani sadržani u Izvještaju Ustavnopravne komisije, koji glase:

### **Amandman I.**

Član 3. Prijedloga zakona mijenja se i glasi:

"Član 52. mijenja se i glasi:

"Član 52.

Unutrašnja organizacija organa uprave utvrđuje se pravilnikom o unutrašnjoj organizaciji.

Pravilnik o unutrašnjoj organizaciji ministarstva donosi ministar uz saglasnost Vijeća ministara.

Pravilnik o unutrašnjoj organizaciji samostalne upravne organizacije donosi rukovodilac samostalne upravne organizacije, uz saglasnost Vijeća ministara.

Pravilnik o unutrašnjoj organizaciji upravne organizacije u sastavu ministarstva donosi ministar na prijedlog rukovodioca upravne organizacije u sastavu ministarstva, uz saglasnost Vijeća ministara.

U postupku donošenja pravilnika o unutrašnjoj organizaciji organa uprave, institucija Bosne i Hercegovine, drugih pravnih lica iz člana 2. ovog zakona i službi iz člana 49. stav 1. ovog zakona, donosilac pravilnika dužan je prethodno pribaviti mišljenja Ministarstva pravde, Ministarstva finansija i trezora i Ureda za zakonodavstvo Vijeća ministara.

Pravilnik o unutrašnjoj organizaciji organa uprave i službi iz člana 49. stav 1. ovog zakona mora biti usklađen s nadležnostima propisanim zakonom, kao i s principima o unutrašnjoj organizaciji organa uprave, koje odlukom propisuje Vijeće ministara."

### **Amandman II.**

U članu 7. Prijedloga zakona, koji se odnosi na član 58., u stavu 5. riječ „člana" ispred riječi: "Parlamentarne skupštine" zamjenjuje se riječima: „predsjedavajućeg i zamjenika predsjedavajućeg doma".

### **Amandman III.**

U članu 4. Prijedloga zakona dodaje se stav 1. koji glasi:

„U članu 55. u stavu 2. riječ „konstitutivnog“ briše se.“

U članu 4. Prijedloga zakona dodaje se stav 2. koji glasi:

„U članu 55. u stavu 3. riječ „konstitutivnog“ briše se.“

Dosadašnji stav 1. postaje stav 3.

#### **Amandman IV.**

Član 22. Prijedloga zakona briše se, a članovi 23. i 24. postaju članovi 22. i 23.

#### **Ad.4.**

Predstavnički dom *nije usvojio* negativno Mišljenje Ustavnopravne komisije o Prijedlogu zakona o izmjeni Krivičnog zakona Bosne i Hercegovine čiji su predlagači poslanici iz klubova SNSD-a i SDS-a.

#### **Ad.5.**

Predstavnički dom *nije usvojio* negativno Mišljenje Ustavnopravne komisije o Prijedlogu zakona o Ustavnom sudu Bosne i Hercegovine čiji su predlagači poslanici iz klubova SNSD-a i SDS-a

#### **Ad.6.**

Predstavnički dom *nije usvojio* u prvom čitanju Prijedlog zakona o korištenju i upravljanju imovinom u državnoj svojini Bosne i Hercegovine čiji predlagači poslanici Šemsudin Mehmedović i Zaim Backović.

Na prijedlog poslanika Nikole Lovrinovića usvojen je zaključak koji glasi: „*Predstavnički dom PSBiH traži od Vijeća ministara BiH da nastavi aktivnosti na izradi zakona o korištenju i upravljanju državnom imovinom i uputi ga u parlamentarnu proceduru najkasnije do kraja 2016.godine.*“

#### **Ad.7.**

Predstavnički dom *usvojio je* u prvom čitanju Prijedlog zakona o izmjenama i dopunama Zakona o udruženjima i fondacijama Bosne i Hercegovine čiji je predlagač Vijeće ministara BiH.

#### **Ad.8.**

Predstavnički dom je na prijedlog poslanice Borjane Krišto **odgodio izjašnjavanje** o Prijedlogu zakona o izmjeni i dopunama Zakona o Vijeću ministara Bosne i Hercegovine čiji je predlagač: Komisija za ostvarivanje ravnopravnosti spolova Predstavničkog doma PSBiH, dok Vijeće ministara BiH ne dostavi mišljenje o njemu.

**Ad. 9.**

Predstavnički dom *usvojio je* Izvještaj Zajedničke komisiju oba doma za postizanje identičnog teksta Zakona o azilu čiji je predlagač: Vijeće ministara BiH.

**Ad. 10.**

Predstavnički dom *usvojio je* Izvještaj o izvršenoj reviziji učinka o temi: „Upravljanje carinskim terminalima“, materijal Ureda za reviziju institucija BiH. Usvojen je i zaključak iz Mišljenja Komisje za finansije i budžet, koji glasi: „***Predstavnički dom Parlamentarne skupštine BiH traži od Upravnog odbora Uprave za indirektno oporezivanje BiH i Uprave za indirektno oporezivanje BiH da u roku od šest mjeseci izvijeste Komisiju za finansije i budžet Predstavničkog doma o planiranim i preduzetim aktivnostima na realizaciji preporuka iz Izvještaja, te da o preduzetim aktivnostima upoznaju Ured za reviziju institucija BiH.***”

**Ad. 11.**

Predstavnički dom *usvojio je* Izvještaj o izvršenoj reviziji učinka o temi: „Nabavka ličnih dokumenata – studija slučaja“, materijal Ureda za reviziju institucija BiH. Usvojen je i zaključak iz Mišljenja Komisje za finansije i budžet, koji glasi: „***Predstavnički dom Parlamentarne skupštine BiH traži od Vijeća ministara BiH i Agencije za identifikacione dokumente, evidenciju i razmjenu podataka BiH da u roku od šest mjeseci izvijeste Komisiju za finansije i budžet Predstavničkog doma o planiranim i preduzetim aktivnostima na realizaciji preporuka iz Izvještaja, te da o preduzetim aktivnostima upoznaju Ured za reviziju institucija BiH.***”

**Ad. 12. - 15.**

Predstavnički dom *dao je saglasnost za ratifikaciju:*

- Sporazuma između Bosne i Hercegovine i Evropske unije o uspostavi okvira za učešće Bosne i Hercegovine u operacijama Evropske unije za upravljanje krizama,
- Sporazuma između Vijeća ministara Bosne i Hercegovine i Švicarskog federalnog vijeća koji se odnosi na redovni zračni saobraćaj,
- Memoranduma o razumijevanju između Vijeća ministara Bosne i Hercegovine i Vlade Republike Srbije o saradnji u oblasti telekomunikacija i
- Sporazuma između Vijeća ministara Bosne i Hercegovine i Vlade Republike Srbije o saradnji u oblasti zaštite okoliša i održivog razvoja.

PREDSJEDAVAJUĆA  
PREDSTAVNIČKOG DOMA  
Borjana Krišto

